



## PORTAVÓS VI GOVERN U KONSTITUSIONÁL



## KOMUNIKADU BA MEDIA

Díli, Loron 15 fulan-jullu tinan 2016

### **Governu felisita Primeiru-Ministru eleitu Austrália nian**

Governu Timor-Leste hato'o ninia ksok boot ba Malcolm Turnbull, deputadu australianu no dirijente Partidu Liberál Austrália nian, tanba eleitu ona ba Kámara Representante sira nian husi le'un (sirkulu) Wentworth nian, no tanba nia kontinua ninia knaar nu'udar Primeiru-Ministru Austrália nian.

Iha karta ida ne'ebé haruka atu hato'o felisitasaun ba Turnbull, Primeiru-Ministru, Rui Maria de Araújo, dehan katak "Austrália ne'e hanesan Timor-Leste nia nasaun viziñu no belun di'ak", no nasaun rua ne'e partilla istória únika ida, valór komún sira no relasaun interpesoál sira ne'ebé metin.

Primeiru-Ministru hato'o ninia fiar-metin katak, iha sekuénsia husi vitória eleitorál ida ne'e, nasaun rua ne'ehela iha pozisaun ne'ebé di'ak atu hametin liután sira-nia relasaun bilaterál sira. Na'i-ulun ne'e hein katak bele iha biban iha tempu badak nia laran atu deskute kestaun fronteira tasi nian sira ne'ebé permanente no kestaun sira seluk ne'ebé sai hanesan interese nasaun rua ne'e nian, no mós projetu kooperasaun nian no hametin lasu amizade nian sira. **REMATA**



**Agio Pereira**

+670 7723 0011

[agio.pereira@cdm.gov.tl](mailto:agio.pereira@cdm.gov.tl)

[govtlmedia@gmail.com](mailto:govtlmedia@gmail.com)

[www.timor-leste.gov.tl](http://www.timor-leste.gov.tl)